



Adresa: **Ul. Hamdije Čemerlića 39**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-245-6/22**

Datum: **29.06.2022. godine**

„Agencija za vodno područje rijeke Save“ rješavajući po zahtjevu JKP „Bioštica“ d.o.o. Olovo za izdavanje vodne dozvole za privremeno ispuštanje otpadnih voda iz urbanog područja grada Olovo u rijeke Biošticu i Stupčanicu, na osnovu člana 109. stav 1. tačka 2. Zakona o vodama („Službene novine Federacije BiH“, broj 70/06) i člana 200. stav 1. Zakona o upravnom postupku („Službene novine Federacije BiH“, broj 2/98 i 48/99), donosi

R J E Š E N J E **o vodnoj dozvoli**

1. Daje se vodna dozvola JKP „Bioštica“ d.o.o. Olovo za privremeno ispuštanje komunalnih otpadnih voda urbanog područja grada Olovo u rijeke Biošticu i Stupčanicu. Ova dozvola se odnosi na ukupno ispuštanje otpadnih voda iz kanalizacionog sistema koji je u nadležnosti podnosioca zahtjeva.
2. Vodna dozvola se daje na osnovu dostavljene dokumentacije, utvrđenog činjeničnog stanja i uz sljedeće uslove:
 - 2.1. Da se objekti koji čine kanalizacioni sistem grada Olovo održavaju u ispravnom i funkcionalnom stanju u skladu sa njihovom namjenom i ovim Rješenjem.
 - 2.2. Da se permanentno radi na razdvajanju postojećeg mješovitog sistema odvodnje otpadnih voda, te da se prilikom izgradnje nove kanalizacione mreže projektuje i izvodi isključivo separatan sistem odvodnje.
 - 2.3. Da se redovno vrši snimanje i kontrola stanja postojeće kanalizacione mreže. Ukoliko postoje ili se snimanjem na terenu uoče nekontrolisani pojedinačni ispusti fekalnih otpadnih voda u prirodne vodotoke, treba što hitnije poduzeti aktivnost da se isti priključe na postojeće glavne gradske kolektore.
 - 2.4. Da se vodi evidencija svih septičkih jama kao i drugih individualnih postrojenja za prečišćavanje otpadnih voda u području svoje nadležnosti, te da se vode stalne aktivnosti na eliminaciji septičkih jama i upojnih bunara, odnosno da se, gdje god je to moguće, vrši priključenje objekata na kanalizacionu mrežu.
 - 2.5. Da se redovno vrši održavanje korita rijeke Bioštrice i Stupčanice na mjestima ispusta iz glavnih gradskih kolektora.
 - 2.6. Da se, od korisnika prilikom izdavanja odobrenja za priključak na gradsku kanalizacionu mrežu, zahtijeva da kvalitet otpadnih voda koje se ispuštaju u javnu kanalizacionu mrežu bude u skladu sa odredbama Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20, 96/20).
 - 2.7. Odobrenje za priključak na kanalizacioni sistem treba da sadrži sve podatke i uslove propisane članom 28. Pravilnika o sadržaju, obliku i uvjetima i načinu izdavanja i čuvanja vodnih akata („Službene novine Federacije BiH“, broj 31/15, 55/19 i 41/20) te u skladu sa odredbama Uredbe o uslovima ispuštanja otpadnih voda u okoliš i sisteme javne kanalizacije.
 - 2.8. Da se u periodu važenja ove dozvole izradi Operativni plan interventnih mjera u slučaju incidentnih zagađenja a sve u skladu sa članom 11. i 12. Pravilnika o postupcima i mjerama u slučajevima akcidenata na vodama i obalnom vodnom zemljištu („Službene novine Federacije BiH“, broj 71/09).
 - 2.9. Da se tokom važenja ovog Rješenja vrši monitoring otpadnih voda na ispustima iz glavnih gradskih kolektora u rijeke Biošticu i Stupčanicu. Monitoring vršiti u skladu sa članom 25. stav (2) Uredbe o uslovima ispuštanja otpadnih voda u okoliš i sisteme javne kanalizacije, te

pojedinačne i zbirne godišnje izvještaje dostavi Agenciji u skladu sa članom 23. iste Uredbe. Do izgradnje odgovarajućeg postrojenja za tretman otpadnih voda ne zahtijevaju se propisani efekti redukcije, odnosno dostizanje graničnih vrijednosti emisije.

Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 15/17, 23/17 i 41/20).

2.10. Da se u toku važenja ove vodne dozvole uradi katastar postojećih instalacija kanalizacije s definiranim pravcima odvodnje, tipom kanalizacionog sistema, cijevnim materijalom, profilom, padom, revizionim oknima i ispuštima u vodotoke.

3. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.

4. U slučaju vanrednih situacija, havarijskih onečišćenja i drugih sličnih okolnosti čime bi bio ugrožen kvalitet voda obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.

5. Ispuštanje otpadnih voda u rijeke Biošticu i Stupčanicu ne smije ugrožavati postojeći hemijski i ekološki status recipijenta.

6. Prava stečena po ovoj dozvoli ne mogu se prenositi na treća lica.

7. Ova vodna dozvola, shodno članu 117. stav 1. Zakona o vodama se daje sa rokom važenja od 5 (pet) godina od dana pravosnažnosti ovog rješenja.

8. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.

9. U periodu važenja ove dozvole korisnik iste je dužan provoditi sve mjere i aktivnosti propisane ovom dozvolom.

10. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

JKP „Bioštica“ d.o.o. Olovo obratilo se ovoj Agenciji dana 20.05.2022. godine, sa zahtjevom za izdavanje vodne dozvole za privremeno ispuštanje komunalnih otpadnih voda iz urbanog područja grada Olovo u rijeke Biošticu i Stupčanicu.

U provedenom postupku dostavljena je i pregledana sljedeća dokumentacija:

- Aktuelni izvod iz sudskog registra, broj:043-0-RegZ-22-000389 od 16.02.2022. godine izdat od strane Općinskog suda u Zenici – ovjerena kopija,
- Rješenje o izmjenama podataka, broj:043-0-Reg-13-001267 od 28.11.2013. godine izdato od strane Općinskog suda u Zenici – ovjerena kopija,
- Obavještenje o razvrstavanju pravnog lica prema klasifikaciji djelatnosti, broj:17-32.5-77398/13 od 02.12.2013. godine izdato od strane Službe za statistiku za područje Zeničko-dobojskog kantona – ovjerena kopija,
- Uvjerjenje o poreskoj registraciji od 02.12.2013. godine, izdato od strane Kantonalnog poreznog ureda u Zenici – ovjerena kopija,
- Kopija lične karte na ime Kasim Kljajić izdate od strane MUP-a Zeničko-dobojskog kantona – ovjerena kopija,
- Dokaz o uplati naknade za izdavanje vodne dozvole u iznosu od 70,00 KM.

- Rešenje o vodnoj dozvoli, broj: UP-I/25-3-40-255-5/17 od 26.05.2017. godine, izdato od strane Agencije za vodno područje rijeke Save Sarajevo, kopija,

- Odluka o vodovodu i kanalizaciji, broj:01-1-3-411-1/17 od 10.10.2017. godine donesena od strane Općinskog vijeća općine Olovo – kopija,

- Izvještaj o rezultatima fizikalno-kemijskih i mikrobioloških ispitivanja rijeke Krivaje shodno vodnoj dozvoli urađen od strane Zagrebinspekt d.o.o. Mostar, maj 2022. godine, broj izvještaja: 01-2-203-V/22,

- Elaborat o ispitivanju kvalitativnih i kvantitativnih karakteristika recipijenta rijeka Bioštica i Stupčanica i Krivaja i rezultatima monitoringa za JKP Bioštica d.o.o. Olovo urađen od strane Instituta za hemijsko inženjerstvo Tuzla, juni 2019. godine

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata, dana 22.06.2022. godine izvršen je obilazak predmetnih ispusta u rijeke Bioštica i Stupčanice i tom prilikom sačinjen je zapisnik o uviđaju broj: UP-1/21-3-40-244-4/22.

Na osnovu dostavljene dokumentacije i uviđaja izvršenog na licu mjesta utvrđeno je sljedeće:

Kanalizacioni sistem grada Olovo čini skup fragmentiranih cjelina koje su u funkciji prikupljanja i konačnog disponiranja urbanih otpadnih voda u recipijente: Biošticu, Stupčanicu sa neovisnim ispustima. Kanalizaciona mreža je dominantno separatnog tipa (odvojeno se prikupljaju sanitarne otpadne vode, a neovisno oborinske vode) i sastoji se od heterogenog cijevnog materijala (betonske, keramičke, ACC, plastične mase i sl.) različitih profila (od Ø110 do Ø800 mm).

Ne postoji katastar podzemnih instalacija i geodetski snimljen položaj postojećih kanalizacionih vodova. Iz svih dijelova kanalizacionog sistema se voda bez prethodnog tretmana direktno ispušta u recipijente, osim Hotelsko – banjskog kompleksa koji ima svoj uređaj za tretman sanitarno – fekalnih otpadnih voda i nije obuhvaćen ovim rješenjem.

Na gradsku kanalizaciju su priključeni gotovo svi objekti koji su priključeni na gradski vodovod, što predstavlja približno 3000 stanovnika, osima naselja Zagraše i Kragino polje. Prema evidenciji JKP „Bioštica“ d.o.o. Olovo na kanalizacionu mrežu trenutno je priključeno ukupno 906 domaćinstva i 102 pravna lica.

Niti jedan veliki industrijski korisnik nije priključen na gradsku kanalizaciju, niti su isti locirani na prostoru pokrivenom javnim kanalizacionim sistemom.

U skladu sa zahtjevima iz prethodnog Rješenja o vodnoj dozvoli, pravno lice:

- nije radilo na razdvajanju preostalog postojećeg mješovitog sistema odvodnje otpadnih voda, i nije vršilo projektovanje i izgradnju nove kanalizacione mreže sa isključivo separatnim sistemom odvodnje,

- vrši održavanje korita rijeka Bioštica i Stupčanice na svim registrovanim ispusnim mjestima,

- nije ustrojio i nema evidenciju svih septičkih jama kao i drugih individualnih postrojenja za prečišćavanje otpadnih voda u području svoje nadležnosti, i ne vode se aktivnosti na eliminaciji septičkih jama i upojnih bunara, odnosno, ne vrši se kontinuirano priključenje objekata na kanalizacionu mrežu,

Na osnovu provedenog postupka, a prema članu 17. stav (1) i (2) Zakona o vodama u svrhu smanjenja zagađenja voda, postizanja dobrog stanja voda, sprječavanja degradacije voda kao i održivog korištenja voda, JKP „Bioštica“ d.o.o. Olovo, kao operateru kanalizacionog sistema, ovom vodnom dozvolom su propisani uslovi korištenja objekata i načina provođenja aktivnosti ispuštanja otpadnih voda.

Razmatrajući podneseni zahtjev, a na osnovu dostavljene dokumentacije i uviđaja izvršenog na predmetnim lokalitetima, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja, propisani uslovi kojih se dužan pridržavati kao operater predmetnog kanalizacionog sistema, a sve u skladu sa odredbama članova 20., 53. i 116. Zakona o vodama,

odredbama Uredbe o uslovima ispuštanja otpadnih voda u okoliš i sisteme javne kanalizacije i članom 13. Pravilnika o sadržaju, obliku, uvjetima i načinu izdavanja i čuvanja vodnih akata.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Konstatuje se da je podnosilac zahtjeva ispunio minimum uslova za izdavanje vodne dozvole za ispuštanje urbanih otpadnih voda sa područja grada Olovo, te je riješeno kao u dispozitivu ovog rješenja.

U cilju utvrđivanja činjenica vezanih za ispunjenje uslova u smislu izvršavanja obaveza propisanih tačkom 3. iz starog Rješenja o vodnoj dozvoli (broj: UP-I/25-3-40-255-5/17 od 26.05.2017. godine) zatraženo je očitovanje Službe za prikupljanje prihoda od vodnih naknada ove Agencije po pitanju izmirivanja obaveza uplate posebnih vodnih naknada, tj. eventualnom dugu i visini duga podnosioca zahtjeva.

Na osnovu očitovanja Službe za prikupljanje prihoda od vodnih naknada od 03.06.2022. godine konstatovano je da je podnosilac zahtjeva JKP „Bioštica“ d.o.o. Olovo redovno izmiruje svoje obaveze uplate posebnih vodnih naknada.

Podnosioc zahtjeva je, na ime izdavanja ovog vodnog akta, izvršio uplatu pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00/, 45/10 i 43/13). Podnosilac zahtjeva je uplatio i posebne troškova koji su nastali u toku vođenja upravnog postupka, u skladu sa članom 127. Zakona o vodama („Službene novine Federacije BiH“, br. 70/06) i članova 4. do 7. Pravilnika Agencije o naknadi posebnih troškova u postupku izdavanja vodnog akta, prema Zaključku ove Agencije broj UP-1/21-3-40-245-5/22 od 28.06.2022. godine.

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja. Žalba se predaje ovom organu neposredno ili preporučeno poštom. Žalba se taksira sa 15 KM administrativne takse.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi

Obrađivač akta:

mr Selma Merdan, dipl.inž.geol.

Po ovlaštenju
Rukovodilac sektora za izdavanje vodnih akata


Haris Ališehović, dipl.inž.građ.

Dostaviti:

- JKP „Bioštica“ d.o.o. Olovo
- Školska 3, 71240 Olovo,
- AVP, ISV – Vodna knjiga
- Sektor 50,
- Sektor 40, arhiva
- Oglasna ploča